

<><><><><><>

Headlines

1. उपराज्यपाल मनोज सिन्हा होरें आखेआ जे जम्मू कश्मीर दे नोजवान हर क्षेत्र च बेहतर प्रदर्शन करदे होई अगगे बधा'रदे न।
2. खजाना मंत्री निर्मला सीतारमण होरें इंकम टैक्स बिल 2025 गी लोकसभा च पेश कीता।
3. उपमुख्यमंत्री सुरिन्दर चौधरी होरें जम्मू गी विकसित बनाने आस्तै इकजुट जतन करने दी अपील कीती।
4. शिक्षा मंत्री सकीना इत्तू होरें छात्रें आस्तै मतेयान केन्द्रें ते उंदे आले दुआले सेही माहोल पक्का करने दी दित्ती हिदायत। औने आले 10मीं, 11मीं ते 12मीं दे बोर्ड मतेयानें दी तैआरिएं गी खीरी रूप दित्ता गेआ।
- 5 अज्ज विश्व रेडियो दिवस मनाया जा'रदा ऐ, जेह्दा विशे सार "रेडियो ते जलवायु बदलाव" ऐ।

<><><><><><>

LG

उपराज्यपाल मनोज सिन्हा होरें बक्ख-बक्ख क्षेत्रें च केन्द्र शासत प्रदेश दे युवाएं दी टकोह्दी प्रगति ते उपलब्धिएं लेई उंदी सराहना कीती। जम्मू कश्मीर जेएंडके भारत स्काउटस गाईडस राज्य पुरस्कार रैली गी संबोधत करदे होई उनें प्रदेश दे युवाएं व आए दे सकारात्मक सुधारें गी उजागर कीता ते विकास बाढ़ू च उंदे जतनें गी बी उजागर कीता। पिछले 5एं ब'रें दी गल्ल करदे होई उपराज्यपाल होरें आखेआ जे सरकार नै केन्द्रित विकास आस्तै केई सारियां स्कीमां ते प्रोग्राम शुरू कीते न। जमीनी सतह पर टकोह्दी प्रगति दिक्खी गई ऐ ते नतीजें सब्बने गी नजरी आवा'रदे न। उपराज्यपाल होरें स्काउटस एंड गाईडस गी नशे खलाफ लड़ाई च यागेदान देने लेई आखेआ। उनें युवाएं गी भारत दी समृद्ध सांस्कृतिक ते ऐतिहासक विरासत कन्नै जोड़ने दी बी गल्ल कीती। किट्ठे गी संबोधत करदे होई उपराज्यपाल होरें आखेआ

<><><><><><>

Income Tax Bill

आयकर विधेयक 2025 अज्ज लोकसभा च पेश कीता गेआ। बिल च इंकम टैक्स गी लेइयै कीते गेदे संशोधन शामिल न। खजाना मंत्री निर्मला सीतारमण होरें विधेयक गी राज्यसभा च पेश कीता हा। इस बारे बोलदे होई मंत्री होरें आखेआ जे मजूदा इंकम टैक्स कनून दे मकाबले नमें विधेयक च किश बदलाव कीते गेदे न ते दफाएं गी घट्ट कीता गेआ ऐ। आम लोकें दे समझने आस्तै मता सखल्ला बनाया गेआ ऐ। सीतारमण होरें आखेआ जे विधेयक गी जांच आस्तै संसदर दी सरबंधी समिति करी भेजेआ सेना संबोधन ते कमेटी अपनी रिपोर्ट अगले सत्र दे पैहले दिन पेश करनी लोडचदी। मंत्री होरें विधेयक गी लेइयै विरोधी सांसदें आस्सेआ कीते गेदे एतराजें गी खारज करी दित्ता।

<><><><><><>

Dy. CM-Review Meet

उपमुख्यमंत्री सुरिन्दर चौधरी होरें जम्मू जिले च बुनियादी ढांचे गी बेहतर करने लेई रंभी गेदी बक्ख-बक्ख स्कीमें दी अमलावरी गी रफ्तार देने दियां हिदायतां दित्तियां। तां जे लोकें गी एहदे थमां लाह हासल होई सकै तै एब् म्फलख्छे छै स्वबै थमां विकसित शैहर चा इक बनी सकै। एह गल्ल उपमुख्यमंत्री होरें जम्मू जिले दी जायजा बैठक दरान आक्खी। इस दरान खुराक ते नागरिक आपूर्ति सरबंधी मैहकमे दे मंत्री समीश शर्मा होर बी मजूद हे। उपमुख्यमंत्री होरें सरबंधी अधिकारिएं गी हिदायत कीती जे ओह स्कीम तैआर करने बेल्ले उंदी निगरानो रखने लेई ते उंदी अमलावरी दरान मकामी

चुने दे गी शामिल करन। इस दरान रखी गेदी मंगें बारे उपमुखमन्त्री होरें अफसरें गी हिदायत कीती जे ओह पैहले थमां शुरू जतनें दी रफ्तार गी तेज करन तां जे इनें गी समें सिर पूरा कीता जाई सकै ते लोकें गी लाह हासल होई सकै।

<><><><><><>

Katra-Srinagar Train

केन्द्र शासत प्रदेश जम्मू कश्मीर च इक ऐतिहासक झाटनाक्रम तैहत भारतीय रेलवे आस्सेआ श्रीनगर ते कटरा बश्कार रेल सेवा तौले तौले गै शुरू करी दित्ती जाग। इस रेल सेवा गी मते चिरे थमां बलगेआ जा'रदा ऐ। इस सेवा दे शुरू होने कन्नै कश्मीर घाटी पूरे मुलखै कन्ने रेल राएं जुड़ी जाग। एह परियोजना अपने खीरले चरण च ऐ ते उहदे उद्घाटन समारोह लेई तैआरियां जोरें शोरें कन्नै जारी न। रेल सेवा दे शुरू होने कन्नै खित्ते च बपार करोबार ते सैलसफा च बाद्धा होग। उहदे कन्नै प्रदेश दे लोकें दी बड़े चिरे परानी मंग पूरी होई जाग। इस रेल सेवा गी लेइयै सब्बने च बड़ा मता उत्साह ऐ। रियासी आले जिला संवाददाता कन्नै गल्ल करदे होई किश श्रद्धालुएं आखेआ.....बाईट

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफतर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 15 फरवरी 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Itoo Board Exam

शिक्षा, समाज कल्याण सेहत ते मैडिकल शिक्षा मंत्री सकीना इत्तू होरें अज्ज सिविल सचिवालय च इक बैठक दी अध्यक्षता कीती जेहदे च औने आले 10मीं, 11 मीं ते 12मीं जमातें दे बोर्ड मतेयान सरबंधी प्रबंधें गी खीरी रूप दित्ता गेआ। एहदे अलावा अतिरिक्त मुख् सचिव शिक्षा शांतमनु ते दुए अधिकारिणें बैठक च हिस्सा लैता। अधिकारिणें गी संबोधत करदे होई मंत्री होरें सारे उपायुक्तें गी मतेयान केन्द्रें च ते आले दुआले सेही माहोल बनाइयै रखने दी हिदायत दित्ती। सकीना इत्तू होरें आखेआ जे छात्रें दी सहूलियत आस्तै मतेयान केन्द्रें च जरूरी सहूलतां जियां सेही रोशनी, सेही प्रबंधन ते केन्द्र च लोड़चदा तापमान बनाए रखने दे इंतजाम मंत्री होरें उपायुक्तें ते एसएसपीएं गी आखेआ ते मतेयान लैने दी प्रक्रिया गी पारदर्शी बनाइयै रखने आस्तै मतेयान केन्द्रें च ते आले दुआले सख्त सुरक्षा बंदोबस्त कीते जाने चाहिदे।

<><><><><><>

CS-Anant Khel Awards

सैंट्रल यूनिवर्सिटी ऑफ जम्मू दी एनुअल स्पोर्ट्स मीट-अनंत खेल 2025 च बेहतर प्रदर्शन करने आले छात्रेंग ी सम्मानित करने दे सिलसिले च अज्ज इक कार्यक्रम दा आयोजन कीता गेआ। इस मैडल सेरामनी दा आयोजन विश्वविद्यालय परिसर च कीता गेआ। मुख् सचिव अटल डुल्लू होर इस मौके मुख् परौहने हे ते डीसी सांबा राजेश शर्मा होरें चेचे परौहने दे रूपे च मजदूद हे। इस मौके बोलदे होई यूनिवर्सिटी ऑफ जम्मू ते जम्मू च इक उम्कूष्ट संस्थान दे रूपै च उभरिणें ओने पर खुशी जाहूर कीती। उनें इक खडारी दे जतनें दी महत्वता पर लोह पाई जेहड़ा गै इस देश गी महान बनांदा ऐ। वाईस चांसलर प्रो. राजीव जैन होरें शारीरिक रूपै कन्नै मजबूत, अच्छे संस्करण आले दे देश आस्तै इक धरोहर आला लेखा बनाने दे अपने नजरियै गी सांझा कीता।

<><><><><><>

DLSA-Poonch

जिला कनूनी सेवा प्राधीकरण पुंछ आस्सेआ एडीआर केन्द्र पुंछ च कनूनी जागरूकता बारे इक प्रोग्राम दा सरिस्ता कीता गेआ। इस दरान मुफ्त कनूनी सहायता सरबंधी इक हकूके पर गल्ल कीती गई। डीएलएसए पुंछ दे अध्यक्ष अश्वनी कुमार शर्मा हुंदी अध्यक्षता च एह कार्यक्रम होग। एहदा मकसद मुफ्त कनूनी सेवा ते एनएलएसए स्कीम दी अमलावरी ते समझ च बाद्धा करना ऐ। उद्घाटनी सत्र च न्याह ते मुफ्त कनूनी सेवा बारे दस्सेआ गेआ। इस दरान डीएलएसए दे सचिव होरें एनएलएसए टोल फ्री नंबर 15100 बारे बी जानकारी दित्ती। एलएडीसी दे उपप्रमुख भानू प्रताप जेहड़े मुख वक्ता हे, होरें कनूनी सरिस्तें ते लोड़मंद लोकें बश्कार दी वित्थ गी पूरा करने पर जोर पाया। इस मोके पर बोलदे होई इक वक्ता नै गलाया

<><><><><><>

Nasha Mukht

नशा मुक्त भारत अभियान तैहत मास्टर स्वयंसेविएं आस्तै इक विस्तृत प्रशिक्षण कार्यक्रम दा आयोजन जिजा सांबा च जिला मुख्यालय दे कांफ्रेंस हाल च कीता गेआ। एह कार्यक्रम समाजी न्याय ते सशक्तिकरण मंत्रालय ते जेएंडके सोसायटी फॉर परमोशन ऑफ यूथ एंड मासिस लेकेएसपीवाईएम तरफा आयोजित कीता गेआ। एहदा मकसद जिले च नशाखोरी गी रोकना ते नशामुक्त समाज दी सोच गी मजबूत करना हा। डीसी सांबा राजेश शर्मा हुंदी दिक्ख-रिक्ख च एह प्रशिक्षण कार्यक्रम आयोजित कीता गेआ ते जिला समाज कल्याण प्राधीकरण नवाज शरीफ ते सेंट्रल यूनिवर्सिटी ऑफ जम्मू थमां रिसोर्स परसन नै कार्यक्रम च हिस्सा लैता। डीएसडब्ल्यूओ नवाज शरीफ होरें कार्यक्रम बारे दस्सदे होई आखेआ.

<><><><><><>

World Radia Day

अज्ज विश्व रेडियो दिवस ऐ। हर बरे 13 फरवरी गी लोकें गी रेडियो दे महत्व लेई जागरूक करने ते ओहदे राहें जानकारी लैने लेई प्रेरित करने आस्तै विश्व रेडियो दिवस मनाया जंदा ऐ। इस बरै विश्व रेडियो दिवस दा विषेसार ऐ रेडियो ते जलवायु परिवर्तन। प्रधानमंत्री नरेन्द्र मोदी होरें विश्व रेडिया दिवस दे मौके पर सब्बने टकोह्दा करियै रेडियो दे श्रोताएं गी मामरकबाद दित्ती ऐ। अपने इक सोशल मीडिया सलेह च मोदी होरें आखेआ जे केई लोकें लेई रेडिया इक जीवन रेखा ऐ जेहड़ी उनेंगी प्रेरित करदी ऐ, जागरूक करदी ऐ ते दुनिया कनै जोड़दी ऐ। उनें इस म्हीने दी 23 तरीक गी प्रसारत होने आले अपने रेडियो कार्यक्रम “मन की बात” लेई लोकें कोला सुझाह मंगे भेजे न। इस मौके पर अपने बधाई संदेश च आकाशवाणी दियां महानिदेशक डॉ. प्रज्ञा पालीवाल होरें आखेआ जे पिछले 9 दहाकें थमां आकाशवाणी श्रोताएं तगर जानकारी शिक्षा ते मनोरंजन पजा'रदा ऐ।

<><><><><><>

Kishtwar Sansad Khel

जिला किश्तवाड़ चचला'रदी संसद खेल स्पर्धा 2025 गी लेई लोकें दा मता रुझान दिखने गी लब्भा'रदा ऐ। इक म्हीना चलने आली एह स्पर्धा डीसी किश्तवाड़ राजेश कुमार शवन हुंदे आस्सेआ शुरू करोआई गई ही। एह आयोजन जिला प्रशासन किश्तवाड़ ते जिला युवा सेवां ते खेड्डां किश्तवाड़ ते किट्टे रलियै कीता ऐ। 11 फरवरी गी शुरू होई दी खेड्ड गतिविधियां 8 मार्च तोड़ी चलगंन। इस दरान बालीबाल, कौड्डी, क्रिकेट, बैडमिंटन, खो खो, टेबल टेनिस, शतरंज ते कैरम जनेई खेड्डां खेड्डी जांगन। संसद खेल स्पर्धा 2025 जमीनी सतह दी खेड्ड प्रतिभा गी पंछानने ते बढ़ावा देने दे मकसद कनै शुरू कीती गेदी इक अहम पैहल ऐ।

<><><><><><>